

DEO OPT. MAX.
QVÆSTIO MEDICA
MATVTINIS AGITANDA DISPUTATIONIBVS
PRO APOLLINARI LAVREA CONSEQVENDA
IN SCHOLIS MEDICORVM
CADOMENSIS ACADEMIÆ. 27

M. IOANNE LYOVLDE DE MONLIEN, PROFESSORE MEDICO, ET DECANO FACVLTATIS, MODERATORE.

An in Asthmatis paroxysmo conueniat vena sectio?

RESPIRATIO tantæ est ad vitam necessitatis, vt viuentem sine respiratione, aut respirantem non viuere omnino sit impossibile: hæc partim naturalis est, partim verò animalis; thoracis & pulmonum dilatatione, constrictioneque constans; ad caloris natui tutelam, spiritusque vitalis in corde, & animalis in cerebro generationem destinata. Triplici læditur symptomatum genere, aboletur in *apnoia*, immittitur cum parua est & rara; tandem verò deprauatur vt in asthma: cuius natura in difficili, parua scilicet, frequenti & anhelosâ respiratione consistit, sine febre; sonitu verò sæpe & stertore quodam comitata. Ab asthma *dympnoia* & *ophtypnoia* distinguitur: in illâ, respiratio densior est, sine tamen vilo strangulationis metu: in hæc, tantâ spirandi difficultate premuntur ægrotantes, vt non modò anhelando, verum etiam residentes, & erecta ceruice spiritum ducere cogantur.

PROXIMAM & continentem asthmaus causam asserimus angustiam bronchiorum pulmonis, aut ab obstructione, aut à compressione genitam. Vtrumque hunc affectum suscitant nonnunquam crudum tuberculum, sæpius crudi humores & pituitosi; vel in pulmonibus geniti, vel à cerebro in pulmones delapsi, vel etiam in venis collecti; nunc motu corporis, nunc irâ, nunc ad aëris & tempestatum mutationes agitati, qui suprà conscendentes affatim & æstus per venam arteriosam in raram & fungosam pulmonum substantiam effunduntur. Crassi status, aut humores serosi, asthmaus concausæ existunt, non primæ aut principales: an verò talem affectum excitare possit pulmonum siccitas, nouerint aures, fabri ferrarii, & qui in metallorum fodinis, diuturniori tempore permanentes, pulmonum exsiccationem patiuntur.

ASTHMA cognoscere si volueris, prædictam respirationem attendere te oportet. Pulmonum compressionem dignosce pectoris grauitate, inspiratione difficili, tussis, stridoris & expectorationis carentiâ, sæpeque refluentibus ad renes succis, crassarum vrinarum copiâ. Obstructionem bronchiorum detegunt catarrhus præcedens, tussis, *sisches, aërysmus*. Tuberculi crudi suspicionem faciunt *dympnoia* paulatim incipiens, sensum increlescens sine tussis, sine sonitu, raroque aliquid per sputa externi percipitur. *dympnoia* simplex leuior existit, asthma longè periculosius, *ophtypnoia* omnium grauissima. Asthma omni sexui & ætati communis affectus, viros magis aggreditur, quàm mulieres: in iuuenibus difficulter soluitur, senes ad mortem comitantur: pueros huic morbo iuuenibus magis obnoxios citò suffocat, maxime si gibbi fuerint. Asthmaus febrem superuenire bonum: si verò aut animi deliquium, aut notatu digna pulsuum inæqualitas, vel intermissio successerit, mortem præ foribus adesse audacter pronuncia.

IN asthmaus curatione duo tempora Medicum distinguere oportet; quietis, & paroxysmi: in quiete, habitâ diligenti causarum præmeditatione, ne morbus reuertatur, totis viribus intende: diæta sit quantitate moderata, ex cibis boni succi & facili concoctionis, simplicibus, calidis, in siccitate & humiditate quasi medijs condita: potus esto melicratum, thoracis, chinarumque radice medicatum: neque vini oligophori vilius displiceret in senibus, in virium debilitate, crudique humoris circa ventriculum præsentia. Sanguinem mitte vel è basilicâ, si quedam sublit plethoræ species, vel è malleolis, si vel muliebrium, vel etiam hæmorrhoidum suppressio morbo occasionem dederit, vel saltem ipsum fouere videatur: neque negligenda erunt purgantia, per *pinxerem* repetenda, crassos & pituitosos humores euacuantia: corpora tamen primùm fluida reddere decet. Clysteribus, quibus status resolui, primumque viarum saburra foras eliminari possit: his adde bechica, attenuantia & detergentia, (vitaris tamen calidioribus & siccioribus) quibus humor bronchijs pulmonum, aut eius substantiæ impactus, per expectorationem eijciatur.

PRÆSENTE paroxysmo, ægrotantes à præsentis periculo præserua; neque ipsos suffocari permittit. Quiesce ergo aliquando in solâ materiæ inorbificæ intra pulmones genitæ commotione; ijsque vttere, quæ materiam in pulmonibus agitatam sine vllâ affluxus suspicionem componant, aut etiam leuiter discutiant. Si verò accessionis causa aliunde affluerit, erecto corpore ægrum sedere impera; partium inferiorum magnæ, fortes, & duræ frictions præscribantur, quemadmodum & cucurbitulæ leues, aut etiam aliquando cruentæ in fine dorsi, cruribus, & locis ilibus vicinis adhibendæ: vitentur sustitus: aër adsit purus & frigidus: muliercularum, aliorumque importunè & inutiliter adstantium turbam repelle: à somno longioris, metu suffocationis, ægrotantem prohibe: interim bechica præscribere conuenit, quæ aëris vias lenire & expedire possint. Iuuat etiam clysteribus acriusculis aluum irritare, minore tamen quantitate præscriptis; purgantibus medicamentis vt, ijsque fortibus & repetitis, si necessitas adfuerit. Ceteris tamen remedijs venæ sectionem antepone, si modò vires illius efficaciam tolerare possint: hanc itaque in insulso contumaci, mortemque minitante, modò è brachijs, modò è pedibus audacter repete; sic etenim pulmonum vijs laxioribus factis, longè faciliorem aëris commeatum efficies, & vehementem fluentis ad pulmones humoris impetum reuelles, ægrumque à præsentis strangulationis discrimine præseruabis. Cum itaque tantum possit venæ sectio, ad violentissimum symptoma attendentes, summumque, præ nimia pectoris oppressione, vitæ periculum; magnâ & iustâ ratione concludendum esse iudicamus:

Ergo in Asthmatis paroxysmo conuenit vena sectio.

Proponbat DANIEL ROVSSEL Pontaudomarus, die 1. Decembris, ab 8. ad meridiem. A. R. S. H. M. DC. LXIII.

CADOMI, Apud IOANNEM CAVELLIER, Regis & Academiæ Typographum.

